

Ho Tsoa Sefefong sa Leoatle ho ea Marung a Leholimo



SABATHA MANTSIBOEA

Bakeng sa Boithuto ba Beke Ena Bala:

Daniel 7, 2Ba-Thes. 2:1-12, Ba-Roma 8:1, Mareka 13:26, Luka 9:26, Luka 12:8,1 Tim. 2:5.

Teman'a Khopolo:

“Borena, le puso, le matla a mebuso eohle e ka tlas’a maholimo kaofela, li tla neoa sechaba sa bahalaleli ba Mookameli ea phahameng; ‘muso oa hae ke ‘muso o sa feleng, marena kaofela a tla mo sebeletsa, a mo utloe” (Daniele 7:27).

Pono ea Daniele 7, sehlooho sa rona sa beke ena, e bapa le toro ea Daniele 2. Empa Daniele 7 e atolosa se neng se senotsoe ho Daniele 2. Pele, pono e etsahala bosiu ‘me e bontša sefefe leoatleng ka lebaka la meea e mene. Lefifi le metsi li re hopotsa ka Tlholeho, empa mona re bona ka tsela e itseng tlhohleho e sothiloe kapa e le tlas’a tlhaselo. Bobeli, liphoofole tse ponong ke tse litšila hape tse nyalisitsoeng, e leng se tšoantšang tšilafatso ea kamoo li bopiloeng kateng. Boraro, liphoofole li hlalisoa li busa; kahona, ho bonahala e ka puso eo Molimo a e fileng Adama serapeng e hapiloe ke matla ana. Bone, ka ho tla ha Mor’a Motho, ‘muso oa Molimo o busetsoa ho bao e leng oa bona ka nepo. Seo Adama a ileng a lahlehelo a ke sona serapeng, Mor’a Motho o se busetsa kahloleng ea leholimo.

Tlhaloso e kaholimo e fana ka chalimo e kopanyang linako ea karaburetso ea Bibe le etsahalang kamor’a lesira la pono e tšoantšisang ka tsela e phahameng. Ka lehlohonolo, tse ling tsa lintlha tsa bohlokoa tsa pono ena li hlaloso ke lenyeloi, ka hoo, re ka utloisisa likheo tsa mantlha tsa boprofeta bona bo hlolang.

**Ithute thuto ea beke ena ho lokisetsa Sabatha sa la 22 Hlakola.*

Liphoofolo tse ‘Ne

Bala Daniele 7. Moelelo oa seo Daniele a se bontšoang moo ke o fe, ‘me pono e bua ka eng?

Phoofolo ka ‘ngoe e bontšitsoeng Daniele e bapa le karolo ka ‘ngoe ea setšoantšo se bontšitsoeng Nebukadnesare, empa joale ho fanoa ka lintlha tse ngata ka ‘muso ka mong. Ho thahasellisa ha ka kang hore libopuoana tsena, tse tšoantšang mebuso ea bohedene, kaofela ke libata tse litšila. Hape, ntle ho sebata sa bone, Daniele o hlalosa liphoofolo tsena li tšoana le sebopuoana se tsejoang. Ka hoo, liphoofolo tsena ha se matšoana a tšohanyetso feela, leha sebopuoana ka seng se na le libopheho kapa litšobotsi ka tsela e itseng le mebuso eo li e emelang.

Tau: Tau ke letšoana le nepahetseng ka ho fetisisa le ka emelang Babilona. Litau tse mapheo li ne li sebelisoa e le ho khabisa mabota a ntle ea borena le mesebetsi e meng ea bonono ba Babilona. Tau e hlahang ponong e qetella mapheo a eona a hlojoa, e emisoa ka maoto joalo ka motho, e neoa le pelo ea motho. Liketshalo tsena li supa polo le boitlopo ba Babilona tlas’a marena a morao.

Bere: Bere e tšoantša ‘muso oa ba-Mede le ba-Persia. Taba ea hore e phahamisitsoe ka lehlakoreng le leng e supa ho phahama a ba-Persia holim’a ba-Mede. Likhopo tse tharo tse menong a eona li emetse tlhoho tse tharo tse khoho tsa ‘muso ea ba-Mede le ba-Persia: Lydia, Babilona, le Egepete.

Lengau: Lengau le lebelo leno le tšoantša ‘muso oa Gerike o theiloeng ke Alexander e Moholo. Mapheo a mane a etsa sebata sena se be lebelo le ho feta, papiso e loketseng Alexander hantle, ea ileng a hapa lefatše lohle ka nako e khutšoanyane feela.

Phoofolo e tšabehang e tšosang: Ha e le hore mebuso eo ho buuoang ka eona e tšoana le liphoofolo tse boletsoeng, ena eona e ikemetse ka boeona. Ke hore, oa pele o bontšoa o “tšoana” le tau kapa “o le joalo ka” bere, empa ona ha o tšoantšoe le letho. Sebata sena se manaka a mangata se bontšoa hape se le bohale hape se le meharo ho feta tse fetileng. Ha ho le joalo, se tšoantša ka ho nepa Roma ea bohedene, e ileng ea hlola, sa busa, sa hatakela lefatše ka maoto a tšepe.

Lilemo tsena tse sekete tsa nalane kaofela ha tsona li tlile tsa ba tsa feta, joalo feela ka ha li boletsoe. U ka fumana khotatso e kae ka ho tseba hore kaholimo ho litsikitlano, le lintoa, le merusu, Molimo oa busa? See se re ruta eng ka botšepahi ba Lengolo?

Lenaka le Lenyane

Bala Daniele 7:7, 8, 19–25. Lenaka le lenyenyane ‘muso o fe o hlahang ka kotloloho ho sebata sa bone ‘me o sala e ntse e le karolo ea oona?

Maobane re ithutile hore phoofolo e bohale e linaka li leshome e busang lefatše ka bokhopo bo tsoeletseng ke Roma ea bohedene. Joale re lokela ho lemoha lenaka le lenyenyane le ‘muso o tšoantšoang ke lona. Kamoo e hlahisoang kateng ponong, phoofolo ea bone e na le linaka tse leshome, ao a mararo a oona a khethuloang ka metso ho etsetsa lenaka le lenyenyanebakana. Lenaka lena le na le mahlo a motho ‘me le bua “lipolelo tsa boikakaso” (Dan. 7:8). Ho hlakile hore lenaka le lenyenyane le hlaha ‘musong o emetsoeng ke phoofolo eane e tšabehang, eo e leng Roma ea bohedene. Empa e le mokhahlelo oa morao oa ‘muso o tšoanang.

Daniele o bona lenaka lena le loantša bahalaleli. Lenyelo le hlalosea Daniele hore lenaka lena ke morena ea tla etsa liketso tse tharo tse seng molaong: (1) ho bua lipuo tse loantsang Mookameli ea phahameng, (2) ho hlorisa bahalaleli ba Mookameli ea phahameng, (3) le be le morero oa ho fetola linako le molao. Ka lebaka leo, bahalaleli ba tla neeloa letsohong la hae. Kamor’a moo, lenyelo le fana ka nako ea liketsahalo tse tsa lenaka le lenyane: nako, le linako tse nang le lehare la nako. Boemong bona ba puo ea boprofeta, lentsoe nako le bolela “selemo,” ‘me lentsoe linako le supa lilemo, mokhoa oa ho menahanya habeli: “lilemo tse peli.” Ka hoo, ena ke nako ea boprofeta ea lilemo tse tharo, tseo ho latela molao oaselemo-letsatsi, e supang lilemo tse 1,260. Nakong ena lenaka le lenyenyane le tla loantša Molimo, le hlorise bahalaleli, le be le morero oa ho fetola molao oa Molimo.

Bala 2 Ba-Thesalonika 2:1–12. Tšoano ke e fe mahareng a monna oa sebe le lenaka le lenyane? Re nahana taba ee e bua ka ‘muso o fe, ‘me hobaneng? Ke ‘muso o fe o mong o ileng oa hlaha ho Roma ea bohedene, empa oa sala e ntse e le karolo ea Roma, ‘muso o tsoelang pele ho tloha nakong ea Roma ea bohedene ho isa pheletsong ea lefatše, e leng hore o ntse o le teng le kajeno?

Lekhotla la Buloa

Kamor'a pono ea liphoofole tse 'ne le liketsahalo tsa lenaka le lenyane, moprofeta o bona ketsahalo ea kahlolo leholimong (Dan. 7:9, 10, 13, 14). Ha lekhotla le buloa, literone lia behoa 'me Moholo oa Matsatsi oa lula. Joalo kaha ketsahalo ea leholimo e bontša, likete tsa likete li sebeletsa kapele ho Moholo oa Matsatsi, lekhotla lea buloa, 'me ho phetloa libuka. Taba ea bohlokoa e ka tšouoang ka kahlolo ena ke hore e etsahala kamor'a nako ea lilemo tse 1,260 tsa liketso tsa lenako (A.D. 538–1798; sheba thuto ea Labohlano) empa pele ho ho thehoa ha 'muso oa Molimo oa ho qetela. Hantle-ntle, makhetlo a mararo ponong ho hlahella tatellano e latelang:

Nako ea lenaka le lenyenyane(538–1798)

Kahlolo ea leholimo

'Muso oa Molimo oa ka ho sa feleng

Bala Daniele 7:13, 14, 21, 22, 26, 27. Kahlolo e tsoela batho ba Molimo molemo joang?

Testamente ea Khale e hlalosa liketso tse ngata tsa kahlolo ho tloha tabernakeleng le tempeleng, empa kahlolo eo ho buuoang ka eona mona e fapane. Ena ke kahlolo ea maholimo le mafatše e seng feela e amang lenaka le lenyenyane feela empa le bahalaleli ba Mookameli ea phahameng, bao qetellong ba tla amohela 'muso. Daniele 7 ha e hlalose kahlolo ena kapa ho fana litaba tsa qalo ea eona le qetelo. Empa e supa hore kahlolo e etsahala kamorao ho thaselo ea lenaka le lenyenyane kahlalano le Molimo le batho ba Hae.

Seo e leng taba mona, ke ho toboketsa ho qala ha kahlolo e akaretsang tlhohleho eohle. Ho tsoa ho Daniele 8 le 9 (sheba libeke tse latelang), re tla ithuta ka nako ea ho qala ha kahlolo le taba ea hore kahlolo ena e amana le tlhoekiso ea sehalalelo se leholimong ka Letsatsi la Lipheko la leholimo. Seo e leng thuto mona ke hore ke feela re tla ba le kahlolo leholimo e qalang pele Jesu a khutla e tla ba molemong oa batho ba Molimo (Dan. 7:22).

Ke hobaneng ha seo Jesu a re etselitseng sona sefapanong ho le khubung ea lebaka leo re ka bang le tiisetso ka letsatsi la kahlolo? Re ne re ka ba le tšepo e fe, kapa re ka bang le eona, kathoko ho Sefapano? (Sheba Ba-Roma 8:1.)

Ho Tla Ha Mor'a Motho

Bala Daniele 7:13. Mor'a motho ke mang moo, 'me o 'mona joang? (Sheba le Mareka 13:26, Matt. 8:20, Matt. 9:6, Luka 9:26, Luka 12:8.)

Ha kahlolo e qala, ho kena [motho] oa bohlokoa: Mor'a Motho. Ke mang? Pele, Mor'a Motho o kena e le [motho] oa leholimo leholimo ea ikemetseng. Empa, joalo k aha boemo ba Hae bo supa, o na le litšobotsi tsa botho. Ka mantsoe amang, ke Molimo-motho ea fihlang ho tla bapala karolo ea bohlokoa kahlolong. Bobeli, Mor'a Motho a tla ka maru a leholimo ke setšoantšo se tloaelehileng sa Ho Tla ha Bobeli ho Testamenteng e Ncha. Leha ho le joalo, ho Daniele 7:13 ka ho khetholloha, Mor'a motho ha a hlalisoe a tla ho tsoa leholimong ho tla lefatšeng, empa a tsamaea ho tloha sebakeng se seng sa leholimo ho ea ho se seng e le hore a tle a hlahe kapele ho Moholo oa Matsatsi. Boraro, setšoantšo sa Mor'a motho a tla ka maru a leholimo se supa hore boemo bo bonahalang ba Morena. Empa karaburetso ena e hopotsa ka moprista e moholo ea aparetsoeng ke leru la libano, ha a kena ka Shehalalelisong ka Letsatsi la Lipheko ho ea etsa mosebetsi oa thloekiso ea shehalalelo.

Mor'a motho o boetse ke oa lapa la borena. O neoa “ ‘muso, le hlompho, le borena” ‘me “ba mefuta eohle le ba lichaba tsohle, le ba lipuo tsohle, ba tle ba mo sebeletse” (Dan. 7:14). Lentsoe “sebeletsa” le ka boela la fetoleloa e le “khumamela.” Le hlaha makhetlo a robong khaolong ea 1–7 (Dan. 3:12, 14, 17, 18, 28; Dan. 6:16, 20; Dan. 7:14, 27) ‘me le fana ka moelelo oa ho khumamela molimo. Ka hoo, ka lebaka la morero oa ho fetola molao oa Molimo, tsamaiso ea borapeli e tšoantšoang ke lenaka le lenyenyane silafatsa khumamelo e lokelang ho neoa Molimo. Kahlolo mona e bontša hore borapeli ba ‘ne bo oa buseletsoa qetellong. Tsela ea borapeli e theiloeng ke tsamaiso ea bopapa, har'a lintho tse ling, e beha motho ea oeleng e le ‘muelli mahareng a Molimo le botho. Daniele e bontša hore ‘muelli ea mong feela a ka emelang botho kapele ho Molimo le batho ke, Monna ea bitsoang Jesu Krete. Joalo kaha Bible e bolela, “Hobane Molimo o mong feela e leng eena mohokahany pakeng tsa Molimo le batha ba hao, Motho eo e leng Jesu Krete”(1 Tim. 2:5).

Ho tsoa ho sohle seo re se balileng kahare ho Bible ka bophelo le semelo sa Jesu, hobaneng ha e le khotatso e kholo ho tseba hore o khubung ea kahlolo e bontšoang moo?

Ba Halaleli ba Mookameli ea Phahameng

Ho etsahala eng ka batho ba Molimo ho latela litemana tse latela? Dan. 7:18, 21, 22, 25, 27.

“Bahalaleli ba Mookameli ea Phahameng” ke maemo a batho ba Molimo. Ba loantšoa ke ‘muso o ntšoantšoaeng ke lenaka le lenyane. Ba hlorisoa nakong tsa puso ea bopapa ka lebaka la ho tsitlallela ho tšepahalla Lentsoe la Molimo. Bakreste ba ile ba hlorisoa le nakong ea ‘muso oa Roma ea bohedene (sebata sa bone ka bosona), empa tlhoriso eo ho buuoang ka eona ho Daniele 7:25 ke tlhoriso ea bahalaleli e etsoang ke lenaka le lenyane, le hlahang feela kamor’a hore nako ea Roma ea bohedene e fihle pheletsong.

Leha ho le joalo, batho ba Molimo ha ba na hatelloa ke ‘muso ea lefatše ka ho sa feleng. ‘Muso oa Molimo o tla nka sebaka sa mebuso ea lefatše. Se thahasellisang ke hore, hona ponong eo ka boeona, Mor’a motho o ile “a neoa ‘muso, le hlomphe, le borena”(Dan. 7:14). Empa koahollong e fanoeng ke lenyeloi, ke “bahalaleli” ba amohelang ‘muso (Dan. 7:18). Ha ho na khanyetsano mona. Hobane Mor’a motho o amana le Molimo le botho, tlhoho ea Hae ke tlhoho ea bao a ba emelang.

Ha moprista ea phahameng a botsa na Jesu ke Mesia, Mor’a Molimo, Jesu o mo supisa morao ho Daniele 7:13, 14 e be o re: Ke eena; ‘me le tla bona Mor’a motho a lutse letsohong le letona la matla a Molimo, a e-tla ka maru a leholimo” (Mareka 14:62).ha ho le joalo, Jesu ke Eena ea emang sebakeng sa rona kahlong ea leholimo. O se a ntse a hlotse matla a lefifi ‘me o arolelana tlhoho ea Hae le ba atamelang ho Eena. Kahona, ha ho na lebaka la ho tšaba. Joalo kaha moapostola Paulose a e beha ka boqhetseke bo boholo: “Che! Empa nthong tseo tsohle, re hlola ka ho fetisisa ka ea re ratileng. Hobane ke tsibisisa ruri hore, leha e le lefu, leha e le bophelo, leha e le manyeloi, leha e le borena, leha e le mebuso e matla, leha e le ntho tse leng teng joale, leha e le tse tlang ho tla, leha e le boholumo, leha e le botlase, leha e le sebopuoa se seng, ha ho letho le tla tseba ho re arohanya le lerato la Molimo, le leng ho Jesu Krete, morena oa rona” (Ba-Roma 8:37–39).

Bona kamoo pono ea Daniele e nepang ho porofeta nalane kateng, likete tsa lilemo pele ho moo. Taba ee e ka re thusa joang ho lula re tšepile litšepiso tsa Molimo bakeng sa bokamoso?

Ho Ithuta Haholoanyane:

Ha re lekola nalane re bona hore kamor'a hore 'muso oa Roma o oe, ho bakiloeng ke litlhaselo tsa majela-thoko a tsoang leboea, mobishopo oa Roma o ile a nka monyetla oa ho lielo a ha merabe e meraro ea majela-thoko eaba o ipheha e le eena feela 'musi oa Roma ka A.D.538. Khabareng, o ile a ikhapela mesebetsi e 'maloa ea litsi le ea sepolotiki ea 'musisi oa Roma. Eaba ke hona mona moo bopapa bo hlahleng teng, bo na le matla a lipolotiki le a borapeli ho fihlela bo lihelo ke Napoleon ka 1798. Sena ha sea ka sa felisa Roma, empa ho ile ha fela feela litlhoriso. Mopapap ha a ka a emisa feela ka ho ipitsa motlatsi oa Kreste empa a ba a hlalisa le lithuto tse 'maloa le litšebeletso tse khahlanong le Bibe. Purgatori, sakaramente, le maipolelo, le phetolo ea molao oa Sabatha ho ba Sontaha li bile har'a lipheto ho tse ling tse ngata tsa "linako le molao" tse tlisisoeng ke bopapa. "Motho o sitoa ho tobana le litlhaselo tsa sera ka matla a hae. O ema kapele ho Molimo ka liaparo tse khenathetseng sebe, a bolela molato oa hae. Empa Jesu, 'Muelli oa rona, o hlalisa kopo e amohelehang molemong oa bohle bao ka pako le tumelo ba tšepetseng polokeho ea meea ea bona ho Eena. Oa ba buella, 'me ka mabaka a matla a Sefapano, o hlola monqosi. Kutlo ea Hae e phethehileng ea molao oa Molimo e mo neile matla oohle leholimong le lefatšeng, 'me o kopa ho Ntate oa hae mohau le poelano bakeng sa motho ea molato. Ho monqosi oa batho ba Hae o re: 'Jehova a ke a u khalemele, Satane. Bana ke ba rekiloeng ka mali a Ka, ke mafatsa a ntšitsoeng mollong.' 'Me ba itšetlehang ho Eena ka tumelo, o ba nea tiisetso ea hore, 'Bona, ke lahlela bokhopo ba hao hole le uena, ke u apesa liaparo tsa bokhabane.' Sakaria 3:4."—Ellen G. White, *Prophets and Kings*, maq. 586, 587.

Lipotso tsa Puisano:

1. Talima limelo tsa 'muso oa lenaka le lenyenyanehape le hlahang, le ho lula e le karolo ea, sebata sa bone, Roma. Ke 'muso o fe o ileng oa hlaha har'a Roma ea bohedene mengoaha-kholong e mengata e fetileng, 'me kante le ho hlorisa batho ba Molimo, o ntse o le teng le kajeno? Hobaneng ha matšoa oa a hlakileng a lokela ho re sireletsa khahlanong le ho akanya feela hore na ke o fe, ho kenyellelitse le hore lenaka le lenyenyane le bua ka morena oa mohedene oa Gerike ea ileng a nyamela nalaneng nako e fetang bohare ba mengoaha-kholo le halofo pele ho ho tla ha Jesu ha pele? Matšoa a hlakileng a na a hloaang a re sireletsa joang hape khahlanong le tumelo ea hore lenaka le lenyenyaneke 'muso oo e leng hona o tla hlaha kamoso?